



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>



DR. GFR. HARTMANN.

POESIAS*in part proprias,
in part libramaing vertidas*

da

Zaccaria Pallioppi.**III.****Samedan.**

Stamparia da S. Fissler.

1868.

Liv. 1870.

POESIAS

in part proprias, in part libramaing vertidas

da

Zaccaria Pallioppi.

III.

Samedan.

Stamparia da S. Fissler.

1868.

MOTTO:

**Im Rausch der Welt, im stürmischen Getümmel
Weilt Poesie, die zarte Göttin, nicht;
Gern wiegt sie sich am stillen, blauen Himmel
Und taucht sich gern in fleckenloses Licht.**

Ernst Schulze.

Allas stailas.

O stailas d'or, cu ria
Affabel vossa glüsch!
Pigliè'm, pigliè'm d'acquaia
Cun mieu fervent giavüsch!
Pigliè'm da taunt' asprezza,
Chi'm velenesch' il muond,
Al sain da tenerezza
Immensamaing profuond!

Ûn pos etern, propizi
Stu bain regner lossü,
Inua üngün orizi
Nun inquieta pü;
Inua la pèsch domina
E glivra tuot combat,
Inua la genuina
Concordia pür eau chat!

Inua il cour non rumpa
Ne crid' il banduno,
Ma vezz' in tuotta pumpa
Il paradis darcho;
E cuorr' in bratsch a sieu
Pü intim predecess,
E bütsch' il benedieu
Recupero possess!

Il svagliarin della mamma.

(Seguond J. G. Seidl.)

Chi svaglia me? Zuond brich ün artifizì
Cun roudas e cun pais e cun fracasch —
E neir dal chöd, schabain cha sieu bragizi
Ais güz e ferm, inquieter am lasch.

E niaunch' il sguozch, üso dalla fantschella
Sün mieu cumand, adün' am po svaglier —
Mò sainza fal ün breg sulet da quella
Vuschin' in chüna, innozaint e cher!

Cur in agüd mieu prus infaunt am clama,
Stögl eau ad el dandettamaing saglir,
Perche il cour anguschagio da mamma
Nun po da sön, mo be d'amur languir.

O aungel dutsch, cu ais uschè divina
La beadentscha del giodair matern,
Chi vezza nel sorrir da tia vistina
Il vair sorrir del paradis etern!

Scha mieu dalet poss be nudrir e strainscher
Al sain, intaunt cha piamaing eau ur:
Quaunt facil ais per me, il sön da vainscher
E tuot il pcho e tuotta sia dolur!

Pü bod bainschì dormiva pü tranquilla,
Cur faiva not infin cur faiva di,
Perche allur portaiv' ün' otra spilla
Cu quella del pisser, chi mazza vi.

Ma ho lascho per tuot il muond sa vita
Mieu Gesu cher, bandus e sainza plaunt,
Nun dess eir eau lascher cun infinita
Amur la mia almain per mieu infaunt?

Il zardin dell' infanzia.

(Suaister Hoffmann.)

Un pitschen üert cognuosch acqua,
O füss eau be adün' in quel!
Nun crajer, pcho, da'l sdrür nimia,
Ils cherubins perchüran el.

Serain e blov scu l'ögl in chüna
Sorria il tschél sur sieu verdüm,
Inua da tuots brillants adüna
Ruschè benign splendor' il prüm.

Turblo nun ais ne impedieu
Del pür ovel allò il cuors,
Ma cirondo et imbellieu
D'ün craunz pompus da vivas fluors.

Splerins allò plaschair sussuran
 Cun ela d'or al cher infaunt,
 E pèsch al daun utschels, chi dmuran
 Sül ram, con lur amabel chaunt.

Il bsögn amar nun bo evdaunza,
 Ne sieu crider in quel üertin,
 Chi spordsch' a tuots in abundaunza
 Dasper la flur il früt perfin.

Allò nun ais dantigl ne straglia,
 Inua l'ingian chaser nun po;
 L'aviölin nemain aguaglia,
 Ne four' alchün röser allò.

Calumnia brich e neir invilgia,
 Ne ödi ne persecuziun
 Chat eau nel üert, inua la gilgia
 Florescha be all' uniun;

Inua ün mer da glüsch, adüna
 Armonius, am serra aint:
 La vit' in Dieu, chi do fortuna,
 Il viver prus del innozzaint.

O nun tscherchè cun titubanzia
In tuots chantuns quel dutsch asil!
Sulettamaing nel cour d'infanzia
Il chatteros, fùgind il vil.

Partenza.

Be aunch' ün bütsch d'amur taunt pūra,
Ûn dutsch e sten, o mieu figl cher!
Allura vò, cha Dieu at chūra!
Pü lönch nun poss eau te chürer.

Be aunch' ün squitsch da sencha flamma
Al cour matern aunz cu partir,
Aunz cu partir, o tschêl da mamma!
Et inavous lascher sospir.

Be aunch' ün pled, o quel rinserra
Profuondamaing in tieu immaint!
Pü fin tesor, cur vegn in terra,
Nun poss lascher per testamaint.

»Què tieu patrun con dret cumanda,
O taidl' attent e fò contin!
Bramand' sortir da stipa gianda
Et arriver in plaun zardin.

La gianda ais: misiergia escha,
Zardin nomn eau: il dutsch possess;
Mo auncha megl qualchos' am plescha,
Chi eir a te plaschair dovess.

O craja, figl! scha neir in chascha
Nun vain d'allò ne soud ne s-chüd,
Cha pür in què tuottün' as lascha
Chatter il pain da vair salüd.

Che ho l'umaun, scha el acquista
Possess mundaun al corp mortel,
E perd' il spiert etern da vista
E sieu possess celestiel?

Che ho l'ingrat avar, chi crida,
Per nun podair gurbir il tuot,
E brich in Dieu, il sench, as fida,
Mo be in sieu giavüsch corruot?


Che ho il nosch da sia ricchezza?
L'utschè viv' eir dad ün mievlin,
E chaunta pür in contentezza
Adüna lod al Bap divin.

O craja, figl! cha l'or nun detta,
Ne possa der felcited,
Scha tü nun hest ün' orma netta,
Ün cour implieu da charited;

Ün' orma, chi cun ela d'aungel
Sur mort e pcho bramess lossü;
Ün cour, il quèl a chi ho maungel
Surdò gugent sieu sopraprü!

Et uossa vò, cha Dieu at chüra!
Üngün scu Dieu at chürerò.
A bun revair cun orma püra
U bain in tschél, u bain accò!

ALL' ELVEZIA.



Grand sarò l'univers, be ün atom in quel,
 Mamma terra, sarost, bel e glüschaint però;
 Rer asil d'üna rera
 Glied, chi mé nun bütschet il giuf.

Libramaing obedins be al regent suprem —
 O, al Dieu dell' amur chi nun voless plaschair?
 Quél infaunt as revolta
 Cunter sieu genitur benign?

Be per chüra da nus ho charited tschanto
 Spelma viva intuorn quaist paradis da pèsch,
 Arda flamma celesta
 Sün las tschimas da glatsch etern.

**Tschierva, leivra, agnè tremblan al scrusch
del tun,
Quaists immobels gigants rian d'orrur scodün;
Ferm, cha l'eco rimbomba,
Claman els: »resoluts, non tmè!»**

O, e chi dubitess immotivo, cha tū,
 Channa, s-chüd al onest, pover, mo fraunch
 pastur,
 Simlas raids da valledas
 Tendast eir a clapper despots ?

Ria pür, inimih, tschüvla chanzuns da
spretsch,
Pür defila sudos taunt cu sabluns nel mer,
Brilla pür in champagna —
Termopilas nun forzerost!

Sper chavorgia d'infiern, traunter paraits
da mort,
Sur torrent furius maina il pass, vè pür!
Vè, Leonida spetta
Sainza perfids, chi guidan fos!

Clam da guerra.

Clingian »regndaregn, regndaregn« trom-
bettas —

Lö nativ, a Dieu! Cheras vus chesettas,
Eau as lasch cun el! Vegls, a vus loaint
Ais el tschert il pü ardaint!

Eau confid a te, lö da quietezza,
Paradis da pos, tuotta mia ricchezza,
Claman »rataplan, rataplan« tamburs,
E festin al champ d'onurs!

Clingian »regndaregn« cler uschè trom-
bettas —

Mamma, bap, stè bain! Eau as rov, cha mettas
Vos coret in pèsch, sieu fider lossü,
E per me nun cridas pü!

Sour, a te surdun quaists oggets da brama,
Chüra'ls tû per me! Il tambur am clama:
»Rataplan!« Eau chür uossa be nos dret.
A revair, prüvo dalet!

Clingian »regndaregn, regndaregn trom-
betas —
Aungels, o laschè alla flur, cha'm dettas,
Balsam dutsch e lam giò da tschèl fluir,
Sch'eau dovess già hoz perir!

Quella flur est tü, spusa doloreda,
Ch'eu meriterò, giand cun quist' armeda,
Claman »rataplan, rataplan«, tamburs,
E sfrievland ils aggressurs!

Clingian pregndaregna cler uschè trom-
bettas —
Mè nun riverò, frers, allur cha spettas
Impazchaintamaing ün momaint sün me;
Champ d'onur, eau cuor a tel

**Clama »rataplan« serius all' arma
Il tambur, allur smaunch eau ogni larma,
Ogni charezzar, vil despot! e bram
Scu la tigrà be tieu sdram.**

La guardia.

(Seguond W. Hauff.)

In s-chūra not fand guardia co,
Lontaun da te, vegn sü e giò,
E sun eau eir sulet, m'impais:
Fidel tieu cour tuottün' am ais.

O chera, cur eau get sudo,
Uschè sincer am hest bütscho
E sten al sain, cridand, strendschieu
E mieu chapè con fluors guarnieu!

Perquè non plür, ma sun containt:
Eau sè, cha viv in tieu immain.
In fraida not be chod perfin:
Eau sè, cha viv in tieu corin.

Sper tia glüschetta uossa pür
In quaida chambra urast sgür:
»O tschèl da grazia, lascha saun
Mieu spus, chi ais uschè lontaun!«

Et eau supplich: »o aungel cher,
Per me nun tmair e nun crider!
Dieu chüra tschert ün brev sudo
E'l rend' a sieu tesor darcho.«

Passed' ais l'ura, od a gnir
Il frer, chi'm voul substituir.
Eau vegn al pos, m'insömg da te,
E tü t'insömgerost da me!

All' Italia.

(Suainter Fillicaja.)

O povr' Italia tū, chi best arvschieu
Dal s-chūr destin bellezza ineffabla,
Ùn pain da crudeltes, chi ho implieu
Tieu cour anguschagio cun paina stabla;

Be füssast main delizius' a tieu
Amant, chi't bütsch' a mort, u bain pū abla
D'intemorir medem, per gnir a sieu
Calmô bramer tuottüna main bramabla!

Allur non vzes eau pū torrents d'armeda
Erumper dallas alps e bavranter
Cun saung del Pado lur cavalleria;

Nun vzes eau te cun deja importeda
E gallic puls adüna guerrager,
Per viver e murir in sclaveria!

Medem sogget.

(Suainter Richeri.)

A mè nun vair possaunz' a te alveda,
Imperatrice grand' e maestusa,
Coverna't pür la fatscha doloreda
Et alva scu la mort e lacrimusa!

Ma l'oter bratsch, chi superet a speda
E fö il muond cun forz' impetuusa,
O lascha quel cruder, perche crudeda
Ais eir tia staila, moribunda spusa!

Che dist, Romaun, esaminand medema?
Ais quaista l'eroessa vincitrice,
Chi ho impress a tuots orrur e temma?

»Eau deploresch, cha uossa quell' attrice
Ho termino sieu gö et ais pür mema
Il snöss da Nemesi, la sort ultrice.«

Medem sogget.

(Suainter Carlo Maria Maggi.)

Po be dormir, schi oter nun giavüscha
L'Italia, per murir uschè madüra;
Tuot fo pisoul, scha l'orizont s'ins-chüra
E plov' e tun' e squassa e straglüscha.

Penser a se, quell' ais la pü vadrüscha
Passiun del singul e prievlusa chüra;
El ria da sieus frers e lur svintüra,
Scha be sieu propri tet nun füm' e brüscha.

Italiaun, perche nun voust comprender,
Cha, naufragiand la patria, as najaintan
Sieus figls, e tü nu't salverost nimia?

Il cour d'ün patriot stu bain as fender,
Scha tuots nun salvan tuots e vita dvaintan,
Ma voul sulet fügir ognün cun sia!

Inno da prümavaira.

(A mia valleda.)

O sorta'm pür dal cour, ma lodolina,
E gira, gir' a tschèl, cha pü nu't vez,
Mo saimper od il psalm da tia vuschina!

E s'indebliss il svoul, eau sè ün mez,
Col quèl sarost il megl reficieda:
Repos' in Dieu, il veritabel sez!

Allura tuorna, dilettus' ameda,
E fò'm da què tû hest udieu e vis
E dechanto — ün' otra dechanteda!

»Chi nun voless glorificher in dis
Beos da solagлива prümavaira
Il blov celest e'l virid paradis?

Glorificher, passo l'inviern da naira
E fraida not, il cler e la chalur
Del aster maestus damaun e saira?

Glorificher l'offert' al Creatur,
Porteda sur ovels in aria pūra
Cun füm d'argient e flammes nel azzur?

Chi nun dovess loder in te, natūra,
Il diadem da spelm e glatsch orrend
Intuorn, intuorn chavorgias e planūra?

Glorificher il strepitus torrent,
Il sagl da sia s-chimusa cataratta
E l'arch in tschèl süsur uschè stupend?

Glorificher il god, chi ogni schlatta
Containt' e viva d'utschellins rinserra,
La quela be al psalm da Dieu s'adatta?

Eau he psalmodio la mamma terra:
In temp da pèsch refugi d'ammalos
E port neutrel da prus in temp da guerra;

Glorificho sieus aromatics pròs,
Cun milli fluors d'ün viv color guarnieus,
Cun fils brillants dell' ova rachamos;

Glorificho, poet, allur ils tieus,
In terra separos d'abitaziun
E sü in tschèl eternamaing unieus.

Sch'eu craj da richas perlas ün cordun
Fingiò lur villas e zardins acquia —
Da quels lossü che poss eu dir, patrun?

O benedidas chesas d'allegria;
Accò, allò, scha püra charited
Adüna sten voss abitants collia!

Scha mè nun spredschan vaira liberted,
Ne lur prüvo ladin, il quèl fluescha
Eguel, o violinas, a vos fled,

Al chaunt sonor del cigno, chi spirescha,
Allura ferm scu la frantur dell' uonda
E'l fracascher contin del vent, chi crescha!

Eau he lodo e mè nun lod avuonda
Tieu spievel, tieu pes-cheder, tia barchetta,
O lej pompus, e tia selvusa spuonda!

Glorificho, seraina collinetta,
Tieus ers verdaints, urand, cha lur semin,
Raccolta d'or a sieu semneder detta!

Glorificho da cour il plaun alpin,
Sia tegia e sieu paster e sia scossa,
Allur la s-chella e'l sampuogn perfin.

Eau he covieu, cha orager as possa
Avaunt sa grotta eir la muntanella,
Tschüvland agüz: »la bella vit' ais nossa!«

Eau he covieu sur gianda e sassella,
Sün ogni piz, lontaun oppür daspera,
La vita del chamuotsch, o vita bella!

Covieu al spih sa rienteda tschera,
Cur il solagl, la diva glüsch del di,
Solen tramunta u solen appera.

Eau he lodo scodūna val bainschì,
Ma impostüt la val dell' Engiadina
E l'attraent peregriner acquì.α —

O sorta'm pūr dal cour, ma lodolina,
E gira, gir' a tschèl, cha pū nu't vez,
Mo saimper od il psalm da tia vuschina!

E s'indebliss il svoul, eau sè ün mez,
Col quèl sarost il megl reficieda:
Repos' allur nel veritabel sez,

Al cour da Dieu, o diletts' ameda!

Ziev' ün temporel da sted.

Ho fulmino tieu ögl divin:
»Il prüm regent sun eau contin!«
Hest admonieu nel tun possaunt:
»Inchüra't pür, liger infaunt!«
Schi ho, deruot plovand, allur
Tia larm' eir dit: »eau sun l'amur!«
O balsam dutsch a sech terrain,
Sün aspra not che di serain!
Benign confort per ogni mel,
Tü maestus Regent in tschél!

Utton.

— ∪ — ∪ — ∪ ∪ — ∪ — ∪
 — ∪ — ∪ — ∪ ∪ — ∪ — ∪
 — ∪ — ∪ — ∪ ∪ — ∪ — ∪
 — ∪ ∪ — ∪

Pür sostegna'l, ur d'orizont, e hegiast
 Compassiun del pover solagl, chi trembla,
 Vegl e lass e blech scu ch'el ais! El crouda
 Sainza ta pozza!

Sgialv da temma dvainta l'azzur, cha nüvel
 Cus' in fraid, in ümid linzöl da tomba
 Vus perfin, o bap della glüsch, o mamma
 Terra d'algrezia!

Crivl' ün asper vent il miguogl dell' ossa,
 Sdrama fögl per fögl dalla flur e müda
 Sieu benign rosedì in glatsch e chodas
 Larmas in dschieta.

Suot tschiêra crida l'ovel e plaundscha:
 »Cura mè domin' il solagl, chi'm sclera?
 Tuorn' il di, eh' eau bütscha la verda riva
 Uossa deserta?«

Rova l'er, quel caos da tschorl' e sassa:
 »Tuorna bod e nina, o mer da spias,
 Uondas d'or! e lascha nuder in quellas
 Gilg' e ciana!«

Meln' e secha crouda la fruonzla; tiran
 Chers utschels in meglder pajais; elevan
 Larschs a Dieu lur membra tschireda, grischa,
 Plüran et uran:

»Ah, cu eira dutscha la vit' e legra!
 Esch' ais fich e trista la mort! Bandagia,
 Tschêl da grazia, puolvr' e silenzi! renda
 Chaunt e delizia!«

Crid' il pascul: »tuorna, o crasp' ervina!
 Tromba chera, scossa paschaivla, tuorna!
 Esser nüd, inferm, evito uscheja —
 O che fadia!

»Dorma, frer!« — conforta allur la zuondra
Saimper verda — »quel, chi speresch' in Gesu,
Posa quaid, as sdasda containt e vezza
Te, prümavaira!«

Supplicas d'ün vegl.

(Swainter Uhländ.)

Nun salüdè'm pü löñch cun vos: »bun di!«
Volais am salüder, dschè: »buna not!«
Per mia vegldüna ais be saira qui —
O buna not ardainta, vè dabot!

*

Vè no, infaunt, o tû mia dutscha vita!
U auncha megl: vè no, mia dutscha mort!
Perche tuot què, chi ais amar, ais vita
Per me, e dutsch nomn eau tuot què, ch'ais
mort.

L'indolent.

(Seguond Rückert.)

Ardaint al mer ün spelm as elevaiva,
Ûn gruogl e s-chūr, ma ghirlando da fōglia,
Chi be da'l fer pū bel desideraiva
Cun sieu verd pūr, cha que paress, ch'el stōglia
Sentir amur. Però il spelm avaiva
Ûn cour da spelm, il quèl amur non mōglia;
Ushè cha'l craunz passit, e'l sass restaiva
Adün' il gruogl compagn da mela vōglia.

Alla riva.

Tü lej serain e glisch, sumgiaunt al spievel,
Chi spievlast püramaing il blov del tschèl
E mainast a bun port sur ogni prievel —
O füss a te mieu sentimaint eguel!
Admir eau tieu aspet, smaunch tuots orizis,
Chi milliera d'oters haun turblo,
E lur naufragis e l'orrur dels vizis,
Chi tira l'orma nel abiss del pcho.

Plamt.

(Suainter Uhland.)

Il viv, ch'ün sotterrescha,
Cun dret eau vögl complaundcher,
Mo craj eguelmaing trista
Del pover hom la sort:
Il quél d'amur languescha,
Mo dess nel ödi staindscher
Del muond, chi ho in vista
Per el be fraida mort.

Nel smateri.

Sulettamaing da quels eau he invilgia,
Chi posan dutsch e lam in quaist zardin,
Inua da larmas creschan rös' e gilgia
E güst perquè oduran uschè fin.
Persecuziun terminerò acquaia,
Da'm ruzgiglier il cour, chi ho amo,
Cumbod mieu anim, liber da fadia,
Al protettur etern sarò olamo.

Nel god.

Co chat eau pos, inua solen attesta
La ravaschia in manzin' e ram,
Cha, sch'eau sun eir sbütto dal muond, am
resta

Fidel mieu Bap etern, il quèl eau am.
Co chat eau pèsch, inua l'ovel bisbiglia
Scu l'oraziun d'ün prus e dutsch infaunt,
E'l coro d'utschellins mi' orma piglia
Süsür, süsur con admirabel chaunt!

Ün trafögl.

(Seguond Rückert.)

Dal ot riport' ün culombin prüvo
Immincha di ün tripel fögl in buocha,
E quel umaun ais tschertamaing beo,
Al quél dit fögl, gnand esibieu, pertuocho.
Perche taunt predsch ho simil dun, cha l'or
Da tuot il muond mé pü il sopravaunza;
Sieus trais föglins, chi sun il prüm tesor,
As nomnan: cretta, charited e sprauunza.

La randolina.

Chanzun d'ün esiliò.

(Suaister Lamartine.)

Perche fùgir, utschella peregrina?
O ferm' il svøul e posa spera me!
Perche fùgir? mieu cour a te s'inclina —
Non sun eau peregrin eguel a te?

Unescha nus del s-chür destin il rembel
In quaist asil, schi ches' ardaint a me!
E dschemast tū, allur dschemains insembel —
Non sun eau isolo eguel a te?

Dal tet matern, inua nun eirast estra,
Est dūramaing s-chatscheda fors' a me?
O gniewa't pūr dimen' avaunt ma fnestra!
Non sun eir eau s-chatscho eguel a te?

Per tieus pittins, chi trembleron, scha tuocha
 Lur nüd il fraid, agüd po gnir da me;
 Eau s-choderò lur plüma suot ma buocha —
 Nun vzet eir eau la mamm' eguel a te?

S'avrit lontaun da mia patern' evdaunza
 Be quaist modest, amo chantun per me:
 Daresa pür allur tieus stüjs da spraunza!
 Non sun eau qui svolo eguel a te?

O ferm' il crid! Nun gniss neir pü covida
 In mieu pajais la libra dmur' a me,
 Schi chatterò la liberted bandida
 Eir eau in tschél, eir eau eguel a te!

Pazienza.

(Segnend Spitta.)

Sortieu dal ot, chamina
Ûn aungel tres il muond,
Ûn dutsch, il quèl masdina
Tristezz' amara zuond.
O hegias confidenza
Nel aungel grazius!
Sieu nom, quel ais: »pazienza!
Sieu balsam: »pèsch a vus!»

Tres bsögn e tres fadia
El guid' uschè prüvo,
Favland a vus per via
Da vos dalet passo;
Cridais però tuottüna,
El güd' allur porter
La crusch e fò adüna
Sieu lain parair liger.

El disch: »per quietezza
Bandusamaing urè,
Allur üngün' asprezza
Cun sieu ferir nun tmè!
Ûn sen quiet nel Segner
Po tuot il mel guarir
E tuotta glüsch mantegner,
Cha l'empì voul s-chürir.«

»Cridais però tuottüna,
Cha'l muond as puondscha fich —
Povrets complaundsch adüna
E prus non lagn eau brich.
Be Dieu, ormettas flaivlas,
Be quel nun inculpè,
Ma pias e crettaivlas
La sort ad el surdè!«

»E pera fors' eir memma
La propria crusch da pser,
Schi mè nun begias temma,
Dieu viv' e po müder!
Ardaint ais il sunteri
Da quaid e lung repos,
E gloriüs l'imperi
D'eternamaing beos.«

Alla fortuna.

(Sainter Metastasio.)

Ingombra'm pūr da peidra e da spina
Immincha pass, o tū instabla feda,
Mo nun sperer, cha eau a te m'inclina
E perd' il tschêl, perdand la gūsta streda!

Be spargna tias innatschas per meschina
E vila gliend, a tieu cumand surdeda!
Nun tem ne tia furur, ne sia rovina,
Gniss eir da te la terra sfracascheda.

O batta'm pūr, tū'm hest già lōng battieu!
Mo smagagner nu'm lasch da tieu martè,
Chi'm ho fin uossa be invigorieu —

Scu quel, chi batta sūn il fier sortieu
Dalla fudschin' arsaint' e'l fo perquè
Adūna pū drovabel e polieu.

Gloria et invilgia.

(Suainter Zappi.)

Cur vegn a te, parnasica muntagna,
A mieu maun dret benign as colliescha
La diva gloria, chi cun fö nudrescha
E disch: »pür giain, vögl esser tia compagna!«

Mo fin al munt ais vasta la champagna,
E co am grigna: »fo que taunta prescha?«
L'invilgia biliusa, chi s'unescha
A mieu maun snester e contin am lagna.

O cuolp fatell! Dess eau fingiò turner?
L'invilg' allur sainz' oter am banduna,
Mo eir la gloria vain am banduner.

Dimena giain cun amenduos in tschima!
Scha l'üna be am spordscha la corona,
Cha l'otra sbuorfla pür e ch'ella s-chima.

La nascita da Cristo.

(Suainter Zappi.)

Nel bass ovigl in misera chamanna
 Observ' ün dutsch infaunt be hoz naschieu,
 Chi ho in fraid presepen aggradieu
 Sieu prüm e dür lettin da pagl' e channa.

E sper medem cu plaundscha, cu s'affanna
 La chera mamma, per avoir d'ovieu
 Plajer in vila fasch' il figl da Dieu,
 Quel corono da glüsch, chi brich ingianna!

Quel Tuotpossaunt, chi regn' in tschèl e
 terra,
 Chi tun' e fulminescha nel orizi,
 Però nel cour la charited rinserra!

Da quaist ümlin, chi auncha nun discuorra,
 Imprenda, vaun, cun serius pentizi:
 »Per esser grand superbia nun occuorra!«

Fidanza.

(Suainter Neisa Franz.)

He nel cour mieu Salveder,
 Uschè dutsch poss dormir!
 Sieu tschèl in mieu sömme
 Eau vez a glüschir.

He nel ögl mieu Salveder,
 Inimis nun vögl tmair —
 Sieu maun della forza
 Am salva pervair!

He nel sen mieu Salveder,
 Schi m'inchür eau dal pcho —
 Il satan, quel fùgia
 Avaunt il beo.

Perquè vögl am tegner
 Ferm, ferm vi a Te,
 O spiert da mieu Segner,
 O resta cun me!

La mort da Cristo.

Gesu moura, la speda trapassa,
O anguoscha! il cour da Maria,
Aungels cridan d'immensa fadia,
Grigna snöss la plebaglia da s-chiv.
Scruosch' ün tun spaventus e sconquassa
Tschël, infern, cha la spelma as fenda
E — sortieu dalla fossa — riprenda
L'orrid spettro il crimen del viv.

Gesu vainscha, la vela as sdrama,
O delizia! e rumpa la streda
Traunter Dieu e scodüna raspeda
D'ormas pias, chi braman saltüd.
Na be Zïon, ma Cristo reclama
Tuots crettaivels da tuotta la terra,
Chi desdrüan il pcho nella guerra,
Sper sieu cour da celesta virtüd.

Dutsch' amia, o hegiast pazienza!
Gesu dorma be fin al imperi.
Craja, larma crided' in sunteri
Dvainta bod paradisica flur!
Ziev' il sabbat bisbiglia clemenza
Taunt prüveda: »che cridast, Maria?«
E »Rabbuni!« quel clam d'allegria
Müd' in gloria la pain' e dolur.

La mort da Ginda.

(Ssaintcr Monti.)

Rendieu il pain da traditur, despera
Iscariot e dvainta suicida —
Mo tuotaziò nun ais passiun main rera
Cu quella del avar, scha neir pü trida.

E nair' e spaventusa, scu la tschera
Del impicho discipul, ais partida
Si' orma, blastemmand, cha orma pera
Nun füt e nun sarò mè pü s-chaffida.

Mo l'aungel irritò della güstia
La mnet a Golgota, scrivet allur
Col saung, il quel fluiva dal Messia,

Sentenz' irrevocabila d'orrur
Sül frunt a quel emblem da fellonia,
E'l slavazzet nel orco da furur.

Medem sogget.

(Suainter Gianni.)

Pendand al ram quel Giuda furio,
Il riportet ün aungel da s-chürdüna
Cun batter d'ela fümagiant' e brüna
Al orrid lö, conveniaint al pcho.

E tret immediat il condanno
Per quella sua, chi pendaiv' adüna
Da sieu collöz, a merita fortuna
In tel' arsüm, cha l'ossa ho tschüvlo.

Allura füt il traditur da Dieu,
Chi resguardaiva be daner per vaira
Consolaziun, da Satanas arvschieu;

Il quel con buocha sanguined' e naira
Il bütsch da sclerat al ho rendieu,
Cha tuot l'infiern scruschit in quella saira.

L'assunziun da Maria.

(Suaister Casaregi.)

Tû est sieu craunz, o rōsa dutsch' e fina,
E tû sieu let, o casta gilg' e bella,
Compagnas amenduos cun dret a quella,
Chi dorm' in fraid vaschè la pû divina!

Al quèl serafica legiun s'inclina,
Psalmodiand: »finida ais l'urella
Da tieu umaun repos, o Giuvintschella!
Il paradis, quel brama sia regina.«

E sorridind amur e grazia, s'evra
Sieu õgl celest, chi ogni stail' ins-chûra
E tuot il mel da beadentscha zevra.

Allura vain col sun da melodias
Deliziusas quella mamma pûra
Ozed' al trun sublim del pûr Messias.

Annotaziuns.

Ils poets antics, romauns e grecs, substituivan ordinariamaing la rima tres ün' accurata prosodia et ün ritmo sorprendentamaing eufonic e proporziono. Que ais però incontestabel, cha eir nossa lingua, uschè bain cu p. ex. la spagnöla u germanica, po banduner la rima, applichand la versificaziun antica in sias poesias. Prova da quetaunt he do cun l'oda soprascritta »All' Elvezia« e cun l'elegia tituled' »Utuon« (vide Nr. V e XIII) et almain per mia uraglia col success desidero. Ma simil fat sostegn eau be davart la fuorma da quaists duos poems, na davart lur contenut, perche sur quaist lasch güdicher ad oters.

Il metro da mi' oda »All' Elvezia« ais l'asclepiadic, uschè nomno suainter l'inventur da quel: Asclepiade, poeta grec. Ils duos prüms vers (respective las duos prümas lingias) d'ogni strofa as compuonan d'ün coréo (— ◡), da duos coriambs consecutivs, sepa-ros tres la cesura (— ◡ ◡ — | — ◡ ◡ —), e d'ün jambo (◡ —), inua ais da rimarcher, cha'l

strich orizzontel in parentesi (—) significa ūna silba lungia, il semicircoler eccontra (∪) ūna silba cuorta, et il vertical u saja la cesura (|) ūna posa. Il terz vers (la terza lingua) d'ogni strofa, chi's nomn' eir il ferecratic, rinserresch' ūn dāctil (—∪) traunter ūn coréo (—∪) in principi et ūn simil (—∪) alla fin, et il quart vers (la quarta lingua), sopranomino glyconic, ho eguelmaing ūn coréo (—∪) alla testa, ūn dāctil subseguint (—∪) e finelmaing ūn cretic (—∪—). Il schema complessiv da predit metro ais dimena:

- 1) —∪—∪— | —∪—∪—
- 2) —∪—∪— | —∪—∪—
- 3) —∪—∪—
- 4) —∪—∪—

e las strofas da mi' oda Nr. V sun precismaing da ler scu la seguinta strofa del Hölty:

*„Eine Schale des Harms, eine der Freuden wog
Gott dem Menschengeschlecht, aber der lastende
Kummer senket die Schale;
Immer hebet die andre sich.“*

Nel metro saffic, nomno uschè seguond la fich celebra poetessa Saffo, chi vivet a Mitylene circa 600 ans aunz Cristo, he compost mi' elegia »Utuona«. Medem consista, scu l'antecedaint, in quatter lingias (vers), chi as

ripetan concordantamaing in püssas strofas. Las trais prümas lingias sun del tuot con-
fuormas e rinserran traunter duos coréos per
vart ün dáctil; la quarta lingia, nomned' eir
vers adonic, ais eccontra bger pü cuorta,
consistind be in ün dáctil et in ün coréo.
La cesura (posa) dovess propriamaing entrer
immez il dáctil — bain inclet! dellas trais
prümas lingias — mo quetaunt nun vain adüna
observo. Il schema da nos metro sopradit
ais dunque:

- 1) — — — — —
- 2) — — — — —
- 3) — — — — —
- 4) — — — — —

e las strofas da mi' elegia Nr. XIII sun da
ler scu la seguainta strofa del Voss:

*„Nicht zu schamhaft säum' an dem Sonnenfenster
Aufzublühn, jungfräuliches Sina-Röslein!
Deines Hochroths harrt und des Balsamduftes
Unsere Herrin.“*

Il prüm metro, cioè l'asclepiadic, ais pü
adatto all' expressiun d'ideas elevedas, serias
e solennas; l'oter, cioè il saffic, a dutsch
plaunt e languids desideris. Eir in quaist
rapport he fat ün tentativ almain, da corri-
spuonder allas prescripziuns dell' arte. Mo
la poesia ho sainza dubi sias difficulteds; pü

cu què cha bgers, chi as daun l'ajer d'esser
omnisapiants, presūmeron. —

*

Però eir duos fuormas decismaing italiaunas, bainschi sonoras, mo na facilas, he introdūt in quaist fascicul: la terzina dantesca, riprodotta in mieu »Inno da prūmavairæ«, e l'octava calabrais, adopteda nella »Mort da Cristo« (vide Nr. XI e XXVII).

Il nom »terzina« ho piglio la prūma a motiv, cha scodūna da sias strofas indetermine-
das tenor numer as compuona da trais vers u lingias, ecceptueda però l'ultima, chi fuorma ün quartet — e'l nom »dantesca«, siand scritta la pū bella epopea italiauna, nempe la »Commedia divina« del celeber Dante, in preditta fuorma. Il metro jambic da sias lingias (vers) consista ordinariamaing in $5\frac{1}{2}$, dellas voutas però eir be in 5 tacts poetics (peis), què vout dir: in 10 fin 11 silbas, ch'ün separa per il pū zieva la quarta silba (seguond tact u pè) tres la cesura. La prüm' e terza lingia d'ogni strofa stu rimer cun la seguonda lingia della strof' antedecadainta, uschè cha ogni rima as ripeta necessariamaing 3 voutas, e cha tuottas strofas sun congiuntas in maniera zuond melodica tres quaist intretschamaint da rimas. Da simil canon stöglia devier però:

1.) la rima dopla della prùma strofa, manchand a quella natürelmaing üna rima d'mez antedainta, per as triplicher;

2.) la rima sema e mezzauna della strofa concludente u finela, manchand a quella las duos otras pü posteriuras.

Per obvier al ultim inconveniaint, as müda imperò l'ultima strofa ordinariamaing in ün quartet, cioè la rima sem' in üna dopla, da maniera cha nos schema complessiv della terzina ais:

a b a, b c b, c d c, d e d, e f e, f g f,
g h g, h i h, i l i l etc.

Fand attenziun, observa ün però, cha la rima d'mez, exceptuo schapür be nel refrain finel, nun po mè esser la medema, per quaunt grand cha'l numer dellas strofas saja, et in què consista eir la principela e per quels, chi non sun meisters della lingua, svesse insuperabile difficulted della terzina. Del rest nun füt quaišt' ultima be adopteda per requints (epopeas), anzi eir e con success in poesias descriptivas u contemplativas, impostüt dal Rückert. —

Què chi concern' allur »l'octava calabraisica«, attraenta uschè zuond per sieu bel ritmo, consist' ella propriamaing in duos quartets, formelmaing unieus tres la prüm' e quarta rima, separos però in merit als periods tres

ün punct mezzaun. Las trais prūmas lingias da scodün quartet rinserran traunter ün coréo al prinzipi et ün simil alla fin duos dáctils; la quarta as compuon' eccontra d'ün coréo, be d'ün dáctil e d'ün coriamb. La prūma lingia del antecedaint quartet stu necessaria- maing rimer cun la corrispondente del seguond, e similmaing la quarta d'amenduos, uschè cha las duos lingias medias riman traunter pèr. Il schema da preditt' octava ais per consequenza il seguaint:

— — — — —, a
 — — — — —, b
 — — — — —, b
 — — — — —. c
 — — — — —, a
 — — — — —, d
 — — — — —, d
 — — — — —. c

(vide pag. 48—50.)

AGGIUNTA.

Per testificher publicamaing mia indelebile recognuschentscha e sincera regordaunz' a nos amo Signur Magister Gilli Heinrich — al quel eau dedichesch quist terz fascicul da mias „Poesias“ — e per corrispuonder d'otra vart eir al giavüsch da püss Engiadinais, volair extender üna copia da mieu cordiel discuors, salvo nell' occasiun da quella festa, chi füt celebreda in onur del prenomno Sigr. Magister nel di 22 Settember 1867 a Celerina e descritta genuinamaing nel „Fögl d'Engiadina“ (vide Nr. 39 del an passo), agiundsch eau tel discuors acquia, premettand mieu epigram, il quel — cirondo d'ün craunz — restet exposit avaunt l'hôtel del Sigr. Lendi in predit incunter. —

*„Mé pü alchün da quel dalet ans priva,
Al venerabel Heinrich d'ingrazier,
E hoz postüt da giubiler evviva!
A quaist Amih, chi ais a nus taunt cher.“*

*

P. P.

Que ais ün fat incontestabel e per consequenza con tuot dret e generelmaing arcontschieu, cha, scha nossa chera e prüveda Vschinaunchetta da Schlarigna prosperet e prosperescha auncha saimper zieva quel felice e lung temp, durant il quel nos bain amo e venerabel Sar Magister Heinrich operet acquia: schi cha nus sajans costrets, da ringrazier quella prosperitet nomnedamaing ad el, a sia taunt clera, prezius' et amuraivla instructiun, a sia fidella, instancabla paina et a sieus magnanims

sacrifizis, chi saron perpetuamaing ün splendid testimoni da sia nòbla vita. Que ais cler, evident e sainza controvers' alchüna, cha, scha degus et abels instructuors e survagliaunts da noss' infanzia sun ils pü sublimes benefactuors da nossa vita: schi cha simil titul daja gnir attribuieu genuinamaing e stöglija appertgnair in tuotta l'extension da sieu bel senso a quel vair Amih. —

Ovvero, mieus amos Conscolars, mias rispettedas Conscolaras, cau'm permet da dumander: Nun ais que forse el, güsta el, chi ho renunzio da libra e spontanea volunted allas delizias da quist muond, be per impuonder sias süuers al exercizi da sia greiva e stantusa vocaziun? d'üna vocaziun taunt eleveda, cha tuots sieus exercitants nun paun as perder in quel scopo egoistic, da süer e piserer be per lur propri avvantag, mo's chattan al contrari stimulos adüna, da sacrificher se stess a benefizi da lur conumauns? — Eau dumand meglinavaunt: Nun ais que forse el, güsta el, chi preferit al viver commod, ozius, alien a tuots disturbis e tracass, da dedicher sia giuventüna e sieus ans virils, be per sclarir nos intellet, per svaglier nos interess alla coltivaziun del spiert etern? dimona da quel unio diamant, cha nus podains piglier tres la s-chürezza della tomb' a megldra vita? da quell' unica, incomparabla perla, chi ais bger pü preziosa e costavla cu nos corp terrester; cu nos pover, transitori corp, il quèl — abbain ch'el ais sovenz taunt vaun e taunt ambizius, abbain ch'el as infittà d'illusoria pompa — stu tuottüna as dissolver bod u tard in ün bain pitschen mantun d'puolvra e zuond brich in pü? — Eau dumand in oltre: Nun ais que nos Sar Magister Heinrich, güsta el, chi nun as ho be contento, da'ns compartir our da sieu s-chazzi da taunt bellas cognuschentschas l'intraguidamaint indispensabel, per cha possans ans güder et esser ütils nella vita, mo chi ho eir procuro cun sieu normel exaimpel, da svaglier noss sentimaints morels, d'annöblir noss cours e da'ns renter a quella semda, per la quèl' el svesa ho peregrino e chi condüa il pü agür al cour da Dieu et al

cour da breva gliend? — Eau dumand in fine: Nun ais que fors' el, gûsta el, chi ho renunzio a tituls bger pû lusingiants, ad impiegos bger pû lucrativs, be per rester fidel a nus, be per condûr nossa Vschinauncha a quel punto onorifico, ch'ella occupescha traunter otras, e tuot-tûna per la tgnair infra ils limits retscherchos dalla modestia e lontauna da quell' orva cretta, ch'ella saja già pervgnid' a perfecziun et infallibilted? —

Scha uschè ais dimena (et eau craj, mieus Conscolars amos, eau speresch, mias rispettedas Conscolaras, eau sun sgûr, cha tuots consentiron, cha uschè saja), in allur domand eau novamaing: E che fains nus, taunt ils qui preschaints cu ils absaints al ester, che fains nus a scopo da remunerer taunts benefizis, taunta charited da nos Sigr. Magister? — Che podains eir nus contribuir, affine d'augmenter l'algrezia da sieus ans pû avvanzos e rad-dutschir la quietezza da sieus dis, daspö ch'el as retret d'ûna carriera taunt difficila e taunt spinusa, cu la sia? Essans fors' eir nus, confuorm alla tendenza da quaist secul, uschè zuond indrumenzos e dûrs, cha flich sovenz nun distinguissans ûn cour grat da peidras gruoglias u da fraidas ziffras? O sgûr brich! Tela fraidezza e regress incompattibel, cha tschertûns confuondan cun progress del secul, tel regress paun collauder schapûr be ils Gûdevs e lur consimils, chi nun vezzan e nun odan oter, co lur splenduraint e sedûttur metal, mo nun collauderon mê bricha ils scolars del Sar Magister Heinrich e da quels duos nôbels, meritaunts Ministers Heinrich, chi ans haun mussos la via da Cristo, consequentamaing la via da recognuschentscha e da charited. E scha eir quaist as qualifich' usoheja: Essans abels forsa, essans fors'in cas, da risarcir complettamaing sias lungias e bain eschas painas, da salder nos quint cun quaist appreziaabel galanthom? O tschertamaing neir brich! Risarcir complettamaing sias painas po sulet sia propria, intima e gûsta persvasiun, ch'el hegia accomplicu sieu sench devoir, e po sulet nos omnisapiaint e buntadaivel Dieu. —

Tuottùna imperò, scha El, dilet Sigr. Magister, vœul substituir benevolmaing nossa sincera vœglia a noss pover fats, schi L'arovains in quaista occasiun, cha El accepta in ün debel segn da nossa gratitudine — scha neir il meglder, seu sdegnoss pretenderon — schi nonostante il pû cordiel regal, cha nus podains Al der. Eau manag cun què, ch'El vœglia aggradir nossas personas stess, fidelmaing depintas in quaist album ad El dedicho; ch'El vœglia recognuoscher quellas fatschas da 200 fidels amihs incirca, chi'L sorrian amiaivelmaing incunter our da quaist volum; ch'El vœglia aggradir nomnedamaing nos cour, — perche ün cour sincer ais saimper il pû bel e pû rich album, ch'ün po spordscher! — e ch'El resta asgûro da nossa affecziun inextinguibla per Sia charited; da noss' impromissiun inviolabla e solenna, cha procurerons, dad esser e rester adüna degns dad El; d'immiter per quaunt fattibel Sieu exaimpel e per quaunt fattibel d'eviter tuot què, chi a nos crajer Al fess displaschair. —

E vus oters, mieus Amihs e mias Amias, quì preschaints; e vus eir, mieus Conscolars amos, mias dilettas Conscolaras, chi dmurais actuelmaing bainschi nel ester, ma chi's regordais tuottùna a nos Sar Magister; chi pensais gugent e fich sovenz ad el, abbain cha vals e munts, plauns e svessa mers d'immensa vastited as tegnan separos da quia; e vus oters finelmaing, Conscolars e Conscolaras taunt cridos e plaunts, ma tuottùna taunt felices e beos lossù in tschèl, chi giubilais gûst hoz, cha gratitudine, sch'ell' ais eir rera, nun ais nonostante aunch' extincta sün la terra — eau as rov et as supplich, cha nun bandunas vos taunt debel oratur in quaist momaint! Eau as rov et as supplich, cha concordeschas cun medem, portand a nos benefactor et a sia chera, rispettabla famiglietta ün decis, ün tripel et ün giubilant: „evviva!“ —



REGISTER.

I. Allas stailas	pag. 3
II. Il svagliarin della mamma	» 5
III. Il zardin dell' infanzia	» 7
IV. Partenza	» 10
V. All' Elvezia	» 13
VI. Clam da guerra	» 16
VII. La guardia	» 19
VIII. All' Italia	» 21
IX. Medem sogget	» 22
X. Medem sogget	» 23
XI. Inno da prümavaira	» 24
XII. Ziev' ün temporel da sted	» 29
XIII. Utuon	» 30
XIV. Supplicas d'ün vegl	» 33
XV. L'indolent	» 34
XVI. Alla riva	» 35
XVII. Plaunt	» 36

XVIII. Nel sunteri	»	37
XIX. Nel god	»	38
XX. Òn trafögl	»	39
XXI. La randolina	»	40
XXII. Pazienza	»	42
XXIII. Alla fortuna	»	44
XXIV. Gloria et invilgia	»	45
XXV. La nascita da Cristo	»	46
XXVI. Fidaunza	»	47
XXVII. La mort da Cristo	»	48
XXVIII. La mort da Giuda	»	50
XXIX. Medem sogget	»	51
XXX. L'assunziun da Maria	»	52

Annotaziuns	»	53
-----------------------	---	----

Aggiunta	»	59
--------------------	---	----



